

অমরসিংহ।

OR

SHAKSPEARE'S TRAGEDY

OF

H A M L E T.

৭/ ১৩৬

শ্রীপ্রমথনাথ বসু প্রণীত।

“ False face must hide what
the false heart doth know ”

Macbeth.

“ অথবা কৃতবাগদ্বারে বংশেশ্মিন্ পূর্বস্মৃতিভিঃ ।

মণৌবজ্র সমুৎকীর্ণে সূত্রস্যেবাস্তি মেগতিঃ ॥ ”

রঘুবংশঃ ।

কলিকাতা

চিৎপুর রোড ২৮৫ নম্বর শোভাবাজার

শ্রীঅরুণোদয় ঘোষ দ্বারা

বিদ্যারত্ন মন্ডে মুদ্রিত।

Handwritten text in a rectangular box, likely a stamp or label, containing the following information:

1. Top line: $100 = 100$

2. Middle line: $100 = 100$

3. Bottom line: $100 = 100$

বিজ্ঞাপন ।



যাঁ হারা মহাকবি সেক্সপিয়ার কৃত হ্যামলেট পাঠ করি-
নাছেন তাঁহাদের নিকট যে এই অমরসিংহ আদৃত হইবে এ
আশা দুরাশা মাত্র । তথাপি ইদানীন্তন সহৃদয় মহোদয়গণের
নাট্যরসে অনুরাগ দর্শন করিয়া আমি ইহাকে বঙ্গসমাজ-
হস্তে অর্পণ করিতে উৎসাহিত হইলাম । যদি এই অমর
সিংহ ক্ষণকালের নিমিত্ত বঙ্গবাসীগণের মনোরঞ্জন করিতে
পারে তাহা হইলে আগনাকে চরিতার্থ বোধ করিব ।

শ্রীপ্রমথনাথ বসু ।

কলিকাতা । বাগবাজার । }
১ অগ্রহায়ণ—সন ১২৮১ সাল }

নাট্যানুস্থিত ব্যক্তিগণ ।



বিজয়সিংহ	যোধপুরাধিপতি ।
অমরসিংহ	}	বীরেন্দ্রসিংহের পুত্র ও বি- জয়সিংহের ভ্রাতৃপুত্র ।
সুধীর		
বিনয়	অমরসিংহের বন্ধু ।
আদিত্য	সুধীরের পুত্র ।
রতিকান্ত	}	... প্রধান সভ্যগণ ।
প্রতাপচন্দ্র		
বিভাগুক		
বিষধর		
পূর্ণানন্দ		
ভূপসিং	}	... সৈনিক ত্রয় ।
উদয়সিং		
অয়সিং		
হরিহর	সুধীরের ভৃত্য ।

বীরেন্দ্রসিংহের ভৃত্য ।

মহাবল শ্রীনগরের যুবরাজ ।
অভিনেতৃবর্গ, সভ্যগণ, সেনাপতি, দূত, ভৃত্য, ইত্যাদি ।

স্ত্রীগণ ।

বিমলা রাজ্ঞী, অমরের প্রসূতি
সরোজিনী সুধীরের কন্যা ।



অমরসিংহ ।

প্রথম অঙ্ক ।

—
প্রথম গর্তাঙ্ক ।

ষোড়শপুর ।—দুর্গের সম্মুখস্থ কাষ্ঠের বেদী ।

অমরসিংহ দণ্ডায়মান, উদয়সিংহের

প্রবেশ ।

উদ । (সচকিত্তে) কেও ?

অমর । তুমি কে আমায় পরিচয় দাও ?

উদ । আমি হে, চিন্তে পার্চ না ?

অমর । উদয় সিং ?

উদ । হ্যাঁ ।

অমর । তুমিত ঠিক তোমার চৌকীদেবার সময় এসেচ ।

উদ । রাত যে দুপুর হয়ে গেছে ; তুমি এখনো শুতে
যাওনি ? যাও যাও শোওগে ।

অমর । তুমি ভাই আমায় বাঁচালে । উঃ কি ভয়ানক
শীত পড়েছে ! বাবা হাতে কাঁপিয়ে দিচ্ছে ।

উদ । কি হে তোমার পাহারার সময়ত কিছু গোলমাল ঘটেনি ?

জয় । গোলমাল ! একটি ই ছুরও নড়েচে ?

উদ । আচ্ছা তুমি যাও ; আর তোমার সঙ্গে যদি আমার জুড়িদারদের দেখা হয় তা হলে তাদের শীগ্গির আসতে বোলো ।

(জয়সিংএর নিকট হইতে কিঞ্চিৎ
দূরে গমন ।)

(নেপথ্যে পদশব্দ ।)

জয় । (স্বগতঃ) আমার বোধ হচ্ছে তারা আসচে ।
(নেপথ্যাভিমুখে চাহিয়া প্রকাশ্যে) কেও ?

বিনয় ও ভূপসিংএর প্রবেশ ।

বিন । এই রাজ্যের এক জন বন্ধু ।

ভূপ । আর আমি ভূপসিং ।

জয় । তোমরা তাই ভাল !

ভূপ । এখন পাহারায় কে আছে হে ?

জয় । উদয় সিং । আমি তাই চলুম ।

[জয়সিংএর প্রস্থান ।

ভূপ । (উচ্চঃস্বরে) উদয় সিং ! উদয় সিং !

উদ । কি হে ! সঙ্গে আবার কে ?

বিন। চিন্তে পারবে না ।

উদ। বিনয় বাবু! আশুন আশুন ।

ভূপ। কি হে আজ রাত্তিরে সেটাকে দেখতে পেয়েচ?

উদ। এখন ত পাই নি ।

ভূপ। বিনয় বাবু বোলচেন সেটা আমাদের কেবল চোকের ভ্রম । আমরা সেই ভয়ানক মূর্তি দুবার দেখেচি তবু ইনি বিশ্বাস কচ্চেন না তাই আজ এঁকে দেখাবার জন্যে ডেকে এনেচি । আজ একবার এলে হয়, এঁকে তার সঙ্গে কথা কৈতে হবে । কেমন তা হলেই ত আপনার বিশ্বাস হবে ?

বিন। দূর! ভূত আবার আছে আর সে আবার আসবে !

উদ। আপনি ভূত মানেন না ; বেস কথা । আমরা দুরাত্তিরে যা দেখেচি আপনি শুনুন, দেখি আপনার বিশ্বাস হয় কি না ?

বিন। আচ্ছা বল ।

উদ। কাল রাত্তিরে যখন ঐ তারাটা আকাশের পশ্চিম ভাগে ঢলে পোড়ে, ঠিক ঐখানে বিকমিক কচ্ছিল, আমি আর ভূপসিং—তখন রাত প্রায় একটা—

ভূপ। চুপকর চুপকর, ঐ দেখ আস্চে ।

অমর সিংহ ।

ভূতের প্রবেশ ।

উদ । এর চেহারা ঠিক আমাদের সেই রাজার মতন ।

ভূপ । বিনয় বাবু আপনি বিজ্ঞ, আপনিই ওকে কিছু বলুন ।

উদ । (বিনয়ের প্রতি) কেমন মশাই, ঠিক সেই রাজার মতন দেখতে না ?

বিন । ঠিক, কিছু ভিন্ন নেই । ওঃ—আমার বুক ছুড় ২ কক্ষে ; কি আশ্চর্য্য !

উদ । এর সঙ্গে কথা কৈবার কোন আপত্তি নাই । ওর মুখের ভাব দেখে টের পাচ্ছেন না ?

ভূপ । বিনয় বাবু ! ওকে কিছু জিজ্ঞাসা করুন ।

বিন । (ভূতের প্রতি) কেও ? (কণেক পরে) কথা কৈচ না যে ?

ভূপ । দেখ্চ বিরক্ত হয়েছে ।

উদ । ঐ দেখ সরে গেল ।

বিন । (ভূতের প্রতি) দাঁড়াও, যা জিজ্ঞাসা করুন তার জবাব দাও ?

ভূপ । জবাব দেবে ! ঐ চলে গেল ।

[ভূতের প্রস্থান ও বিনয়ের কম্পিত কলেবরে
দণ্ডায়মান ।]

উদ । কিগো বিনয় বাবু, আপনি যে কাঁপতে লাগলেন ; ভয়পেয়েছেন নাকি ? কেমন আর আমা-

অমর সিংহ ।

দের চোকের ভ্রম বোলবেন, এখন বিশ্বাস
হয়েচে ত ?

বিন। মাইরি আমি স্বচক্ষে না দেখলে কখনই বিশ্বাস
কর্ত্ত্ব না ।

ভূপ। কেমন ওকে বীরেন্দ্র সিংহের মতন দেখতে
না ?

বিন। তার আর কথা ! ঠিক সেই চেহারা । কি
আশ্চর্য ! আবার দেখেচ তিনি যে পোশাক
পরে শ্রীনগরের রাজার সঙ্গে যুদ্ধ করেছিলেন
এর গায়েও সেই পোশাক ! আর তিনি রাগা-
বিত হলে যেকপ মুখভঙ্গী কর্ত্ত্বেন এও সেইকপ
কলে ।

ভূপ। গত দুরাতে যখন আমরা পাহারা দিচ্ছিলুম,
তিনি ঠিক এই সময় আমাদের স্মুখ দিয়ে বীরের
মতন চলে গেছিলেন ।

বিন। আমাদের ভাগ্যে যে কি আছে তা বোলতে
পারি নি । বাহোক রাজ্যে কোন দুর্ঘটনা অব-
শ্যই ঘটবে ।

ভূপ। আচ্ছা আপনি বোলতে পারেন আমাদের
দেশে এত হুলস্থূল পড়ে গেছে কেন ? আমাদের
এত সাবধান হয়ে পাহারা দিতে হচ্ছে আর এত
অস্ত্র শস্ত্রের আমদানি হচ্ছে ?

বিন। আমি যা জনরব শুনেছি তাই বোলতে পারি; শ্রীনগরের রাজা বীরেন্দ্র সিংহের নিকট কতক গুলি দেশ হারেন। সেই গুলি উদ্ধারের জন্যে শ্রীনগরের যুবরাজ চেষ্টা কচ্ছেন। তাঁর এ আশা যত সফল হবে তাত দেখতেই পাচ্ছি। কেবল সৈন্যগুলি খোয়াবেন আর কি। যুদ্ধ হবে বলেই এত হুলস্থূল পড়ে গেছে।

উদ। আমারও ঐ কারণ বোধ হচ্ছে। তার সাক্ষি আমাদের মৃত মহারাজের অস্ত্রধারণ করে আসবার আবশ্যক কি, কেবল তিনিই এই যুদ্ধের আদি কারণ বোলেই না?

বিন। ভূতগুলি বড় আপুদে জিনিস। ওরা এলেই একটা না একটা বিপদ ঘটে। আমি শুনেছি দুর্ঘোষনের মৃত্যুর পূর্বে হস্তিনাপুরের পথে পথে ভূতগুলি গোলমাল করে বেড়াত; ধূমকেতু, রক্তবৃষ্টি, সূর্যগ্রহণ, চন্দ্রগ্রহণ আরো কত শত অমঙ্গল সূচক ঘটনা ঘটেছিল।

ভূতের পুনঃ প্রবেশ।

চুপ চুপ, ঐ দেখে আবার আসচে। আমি মরি আর বাঁচি ওর কাছে যাই। (কিঞ্চিৎ অগ্রসর হইয়া ভূতের প্রতি) তুমি কি বীরেন্দ্র সিংহ? এবার কথা না কৈলে তারি গোল বাধবে।

অমর সিংহ ।

(নেপথ্যে কুকুট রব ।)

(ভূপসিংএর প্রতি) ভূপসিং ওকে খামাঙ ।

ভূপ । (অসি নিষ্কাশিত করিয়া) মারবো না কি ?

বিন । কাজেই যদি না দাঁড়ায় ।

উদ । ঐ হেতা ।

বিন । ঐ হোতা গেল ।

[ভূতের প্রস্থান ।

ভূপ । কৈ আর ত নেই ! আমাদের ওকে তাড়াতাড়ি করা ভাল হয় নি । ওর গায়ে কি আঘাত লাগে ও হাওয়া বইত নয় ! আমাদের হুঁড়ু হুঁড়ুই মার হোল ।

উদ । কথা কয় কয়, এমন সময় কঁকড় ডেকে উঠল ।

বিন । আর তখনি ও চোরের মতন ভয়ে পালিয়ে গেল দেখেচ ? আমি শুনেচি সকাল হলে ভূতেরা আগুনেই থাক আর জলেই থাক যেখানে থাকুক না কেন আপনাদের কারাগারে ফিরে যায় । তাত দেখতে পেলে ? (চতুর্দিক অবলোকন করিয়া) এই যে সকাল হয়ে পড়লো ; —

উদিল অরুণদেব রক্তবস্ত্র পরি ।

নিশির শিশির সিক্ত পূর্ব শৈলোপরি ॥

চল এখন আমরা যুবরাজ অমরকে এবিষয় জানাইগে । এ আমাদের সঙ্গে কথা কৈলে না কিছু

অমর-সিংহ ।

তঁার সঙ্গে কথা কৈতে পারে । যুবরাজ আমা-
দের ভাল বাসেন, তাঁকে এটি জানান উচিত
কি বল ?

ভূপ । অবশ্য তার আর কথা ! আমি জানিগে তাঁর
সঙ্গে কোথায় ভাল করে কথা হতে পারে ।

[সকলের প্রস্থান ।

প্রথম অঙ্ক ।

দ্বিতীয় গর্ভাঙ্ক ।

যোধ পুরের রাজবাটীর প্রস্থান ।

বিজয়সিংহ, বিমলা, অমরসিংহ, সুধীর, আদিত্য,
প্রতাপচন্দ্র, রত্নকান্ত এবং অন্যান্য সন্ত্যগণ
আসীন ।

বিজয় । যদিও আমার প্রিয় ভ্রাতার মৃত্যু অদ্যাপি অম-
রের হৃদয় হতে অপনীত হয় নি আর যদিও
আমাদের বিষাদে মগ্ন থাকি উচিত তথাপি ত্বকহ
প্রজা শাসন তার মনে আন্দোলন করে, আমরা
সেই দুঃখকে জানীলোকের ন্যায় দমন কর্তে
বাধ্য হয়েছি । সন্ত্যগণ ! আমি আপনাদের
জানগর্ভ অনুমতি ক্রমে আমার শালিকে এই

বীরজননী রাজ্যের অধীশ্বরী করে বিবাহকরেচি । কিন্তু আমার ভ্রাতার মৃত্যু হওয়াতে এই বিবাহ করে সম্পূর্ণরূপ সুখী হতে পারিনি । এক্ষণে বক্তব্য এই যে শ্রীনগরের যুবরাজ মহাবল আমাদের সৈন্যসামন্ত অল্প বিবেচনা করে তাঁর পৈতৃক দেশ সকল উদ্ধারের জন্য আমাদের যুদ্ধে আহ্বান করেচেন । সেই জন্য আমি তাঁর খুড়াকে পত্র লিখিলাম যে তিনি যুবরাজকে এ বিষয়ে ক্রান্ত হতে বলেন । তিনি বোধ হয় কুমারের এ সকল আচরণের বিষয় শোনেননি তাই পূর্বেই নিষেধ করেন নি । তিনি নিষেধ কলে মহাবল কখনই আমাদের বিপক্ষে অস্ত্রধারণ কর্তে পারবেন না ; কেননা তাঁর নিজের কোন সৈন্য নাই, বৃদ্ধ নরপতির প্রজারাই তাঁকে সাহায্য কর্চে । প্রতাপচন্দ্র আর রতিকাশু এই পত্র নিয়ে যাবেন । (প্রতাপ ও রতিকাস্তুর প্রতি) আপনারা বৃদ্ধ নরপতিকে আমার নমস্কার জানিয়ে এই পত্র দেবেন আর এ বিষয়ে যা যা আবশ্যিক তাও করবেন ।

প্রতাপ, রতি । যে আছে । আমরা তবে চলুম ।

[প্রতাপ ও রতিকাস্তুর প্রস্থান ।

বিজ্ঞ। আদিত্য ! তুমি না আমার কাছে কি প্রার্থনা করবে বলেছিলে ? তুমি যা চাইবে তাই পাবে । আমার বুদ্ধি বলো, বল বলো, সকলি তোমার গিতা ; তোমাকে আমার অদেয় কি আছে ?

আদি। মহারাজ ! আমি আপনার রাজ্যাভিষেক দেখবার জন্য এখানে এসেছিলুম এক্ষণে আপনার অনুমতি পেলে পুনরায় অযোধ্যায় যাই ।

বিজ্ঞ। (আদিত্যের প্রতি) তোমার পিতার মত হয়েছে ? (সুধীরের প্রতি) মন্ত্রি কি বল ?

সুধী। আজ্ঞে আমাকে অনেক করে রাজি করেছে । এখন মহারাজের অনুমতি সাপেক্ষ ।

বিজ্ঞ। আদিত্য ! তবে তুমি শুভক্ষণে যাত্রা কোরো । দেখ সেখানে বৃথা সময় নষ্ট কোরো না । (অমর সিংহের প্রতি) অমর ! তোমায় এত অসুখী দেখাচি কেন ?

অম। বিলক্ষণ মহারাজ, আমি আপনার অনুগ্রহে সুখে আছি ।

বিম। অমর ! বাছা দুঃখ করে কি হবে ! তুমি কাঁদলে কি আর তোমার পিতাকে পাবে ? এত ধরাই আছে যে জন্মালেই মৃত্যু হবে ।

অম। মা ! আপনি যা বলচেন তা সত্য ।

বিম । তবে বাছা তোমায় এত বিমর্ষ দেখি কেন ?

অম । মা ! কাঁদলেই কি বিমর্ষ হয়ে থাকলেই কি দুঃখ প্রকাশ হয় ! এ সব দুঃখের বাহ্যিক চিহ্ন বইত নয় । আমার মনে যে কি হচ্ছে তা আর কি বোলব !

বিজ । অমর ! তোমার সম্ভবমত শোক করা উচিত । এ রকম স্ত্রীলোকের ন্যায় শোক করা কি পুরুষের উচিত ? তোমার পিতার পিতার ও ত এক সময় কাল হয়েছিল কিন্তু তিনি কি তোমার মতন এত দিন শোকাকুল ছিলেন ? কখনই না । চি ছি এ রকম দুঃখ কলে ঈশ্বরের অপমান করা হয় । যখন জানা যাচ্ছে যে জন্মালেই মৃত্যু তখন মৃত্যুর জন্য শোককরা জানীলোকের উচিত নয় । তুমি এই বৃথা শোক পরিত্যাগ করে আমাকেই পিতার মতন ভক্তি কর , আমি প্রাণ ত্যাগ কলে তুমিই রাজা হবে । আর তুমি জয়পুরের বিদ্যালয়ে যেওনা আমাদের কাছে থাকলেই আমরা সুখী হই ।

বিম । বাছা মার কথা রাখ, জয়পুরে যেওনা, আমাদের কাছে থাক ।

অম । মা ! আমার প্রাণ থাকতে আপনার অবাধ্য হব না ।

বিজ্ঞ । অমরের কথা শুনে আমি অতিশয় আনন্দিত হয়েছি । প্রিয়ে ! এস আমরা আমোদ প্রমোদ করিগে ।

(অমরসিংহ ভিন্ন সকলের প্রস্থান ।)

অম । এই সব আমার স্বচক্ষে দেখতে হচ্ছে । এখন কেন প্রাণত্যাগ করিনা ?—না—আত্মহত্যা মহাপাপ ! আত্মহত্যা করলে যে ঈশ্বরের নিকট দণ্ডনীয় হব তার আর সন্দেহ নাই । হায় ! পৃথিবীর কুৎসিত-রীতিতেই সর্বনাশ হল ! এমন হবে তা স্বপ্নে ও জ্ঞান্তেই না ! তবে একমাস তাঁর মৃত্যু হয়েছে এর মধ্যে পুনরায় বিবাহ হয়ে গেল ! তিনি মাকে কত ভাল বাসতেন ! হায় ! তাঁর কথা মনে হলে দুঃখ হয় ! কথায় বলে সুখ বাড়ালেই বাড়ে ; মার তাই হয়েছে । এক মাসই থাক—দূর হোক আর ভাববো না—চাঞ্চল্য ! তোমারি নাম জীজাতি ! কি আশ্চর্য্য জীলোকের মন কখন যে কার উপর পতিত হয় তা বলা যায় না ! হায় জ্ঞানহীন পশু ও বোধ হয় আরো অধিক কাল শোকাকুল থাকত ! চোকের জল অপনীত না হতে হতেই মা পুনরায় বিবাহ করেন ! কেবল অগম্য শয্যার শয়নের জন্তেই

কি এত শীঘ্র বিবাহ হল? হৃদয়! তুমি এখনো
বিদীর্ণ হচ্ছ না?

বিনয়, উদয়সিং ও ভূপসিংএর প্রবেশ ।

বিন। যুবরাজের কুশলত?

অম। তুমি ভাল আছ?

বিন। যেমন দেখতে পাচ্ছেন।

অম। তুমি যে বড় জয়পুর থেকে এয়েচ?

বিন। লেখাপড়া ছেড়ে দিয়েছি, তাই এখানে এসুম।

অম। তোমার শক্ররাও একথা বোলতে পারেনা।

বলনা কেন এয়েচ?

বিন। আপনার পিতার শ্রদ্ধ উপলক্ষে এসেছিলাম।

অম। আমাকে তাই উপহাস কর কেন? মার বিবাহ
দেখতে এসেছিলে?

বিন। হ্যাঁ সেটাও পিটপিটি হয়েছে বটে।

অম। খরচ বাঁচাবার পন্থা বইত নয়! শ্রাদ্ধের জন্য যে
সকল খাদ্য আয়োজন হয়েছিল সেই গু লি
বিবাহের স্তোজে লেগে গেল। সে দিন দেখার
চেয়ে আমার মরণ ছিল ভাল! বিনয়! যেন
তাই আমি পিতাকে দেখতে পাচ্ছি।

বিন। কোথায়?

অম। আমার মনে তাঁর চেহারা এমনি গাঁথা রয়েছে।

বিন । কাল রাত্রে আমি যেন তাঁকে দেখেছি ।

অম । দেখেচ ! কাকে ?

বিন । আপনার পিতাকে ।

অম । (সংশয়) আমার পিতাকে !

বিন । আমি যা বলি আপনি একটু স্থির হয়ে শুনুন ।
(ভূপসিং ও উদয় সিংকে দেখাইয়া । এরা দুজন
ও আমার সাক্ষী আছে ।

অম । আচ্ছা বল, বল ।

বিন । ঠিক রাত দুপুরের সময় ভূপসিং আর উদয়সিং
পাহারা দিতে৷ তাঁকে ছরান্তিরে দেখতে পায় ।
তাঁকে আপাদ মস্তক সাজেয়া পরা দেখে এরা
ভয় পেয়ে কিছু বলতে পারে নি । তার পর
আমায় চুপি৷ বলে তৃতীয় রাত্রে আমি এদের
সঙ্গে পাহারা দি । এরা যা বলেছিল তাই ঘটলো
আমি আপনার পিতাকে জাস্তম দেখেই চিন্‌লুম

অম । কোথায় দেখলে ?

ভূপা গড়ের স্মুখে ।

অম । তুমি কিছু জিজ্ঞাসা করেনা ?

বিন । আমি জিজ্ঞাসা করে ছিলাম কিন্তু জবাব পাইনি
তার পর তিনি কথা কবার উপক্রম করেছিলেন
কিন্তু তখনি কুকড়োর ডাক শুনে কোথায়
গেলেন আমরা আর দেখতে পেলুম না ।

অম। কি আশ্চর্য্য ! আজ রাতে কি তোমরা পাহারা দেবে ?

সকলে । দোবো বইকি ।

অম। আপাদ মস্তক সাজোয়া পরা ছিলনা বলে ?

সকলে । আজ্ঞে হ্যাঁ ।

অম। তবে তোমরা তাঁর মুখ দেখতে পাওনি ?

বিন। মুখ দেখতে পেয়ে ছিলুম বইকি । তাঁর মুখের ঢাকাটা তোলা ছিল ।

অম। তাঁকে কি ক্রোধান্বিত বোধ হল ?

বিন। তাঁকে বিমর্ষই দেখলুম অনেকক্ষণ অমন দিকে চেয়েছিলেন

অম। হায় ! আমি যদি সেখানে থাকতুম ।

বিন। তাহলে আপনি অত্যন্ত বিস্মিত হতেন ।

অম। হতেপারে ; তিনি কতক্ষণ ছিলেন ?

বিন। বেশী তাড়াতাড়ি করে না গুলে একশ গুলে যত দেরি লাগে ।

ভূপ। না, না, আরো বেশীক্ষণ ।

বিন। আমি যখন দেখেছিলুম তখনই নয় ।

অম। আমি আজ তোমাদের সঙ্গে পাহারার সময় থাকুব। আজো আসতে পারেন ?

বিন। নিশ্চয় আসবেন ।

অম। আমার প্রাণ যার সেও স্বীকার, তবু আজ তাঁর

সঙ্গে কথা কব । তোমরা এ বিষয় প্রকাশ কোরো
না । আমি রাত ১১টা ছুপুরের মধ্যেই তোমা-
দের সঙ্গে সাক্ষাৎ কর্বে ।

সকলে । যে আজ্ঞে ।

(ভূপসিং উদয়সিং ও বিনয়ের প্রস্থান ।)

অম । পিতা ভূতযোনি প্রাপ্ত হয়ে সশস্ত্রে আস্চেন !
গতিক ভাল নয় । তাঁর কখনই সহজ মৃত্যু
হয় নি ।

দুষ্কর্ম কখন নাহি থাকে সুপ্ত ভাবে ।
গ্রাসিলেও ধরা তারে প্রকাশ পাইবে ॥

(অমরসিংহের প্রস্থান ।)

প্রথম অঙ্ক ।

তৃতীয় গর্ভাঙ্ক ।

সুধীরের বাটীর এক ঘর ।

আদিত্য ও সরোজিনীর প্রবেশ ।

আদি । আমার সব জিনিস রওনা হয়েছে ; আমি তবে
আসি । দেখ সুবিধা হলে মধ্যে২ আমার পত্র
লিখ ।

সরো । দাদা তাকে আপনি সন্দেহ কচ্ছেন ?

আদি । আর দেখ অমর যে তোমায় আন্তরিক ভাল-
বাসে তা মনের কোণেও স্থান দিওনা । যৌবনের
রীতিই ঐ । ফুলটি ফুটলেই গন্ধ বেরোর,
শুকিবে গেলে কি আর গন্ধ থাকে ? অমরের
প্রণয় ও ঐ রূপ ।

সরো । না, না, তিনি সে রকমের লোক নন ।

আদি । হুঁঃ—সে রকমের লোক নন । তুমিও যেমন
খেপেচ । মানুষের যেমন শরীৰটি বাড়ে তেমনি
আশাও বাড়ে । এখন তাঁর মনে কোন কুভাব না
ধাক্তে পারে কিন্তু তাবলে তাঁকে বিশ্বাস কি ?
তিনি হলেন রাজপুত্র, রাজার মত না হলে কি
তিনি তোমায় বিবাহ কর্তে পারেন ? কখনই না ।
আর তুমিই কেন এটা বিবেচনা কর না যে তিনি
ডুজং ভাজাং দিয়ে এখন তোমাকে স্ত্রীর স্মার
ব্যবহার কলেন্ তারপর রাজার মত না হওয়াতে
তিনি তোমায় বিবাহ কর্তে পারেন না তখন
তোমার কতদূর অপমান আর কি দুর্দশা হবে ?
এজন্য খুব সাবধানে থেকো, তাঁর স্মুখেও
বেরিও না । সতীও যদি চাঁদের স্মুখে গায়ের
কাপড় খোলে তা হলেও লোকের তার উপর
সন্দেহ হয় । কথায় বলে সাবধানের মার নেই ।

সরো। আপনি আমায় যা যা বলেন আমি তার একটু এদিক ওদিক করবোনা। কিন্তু আপনিও যেন অযোধ্যায় সাবধানে থাকেন।

আদি। আমার জন্ম তোমায় ভাবতে হবেনা। ইঃ—
অনেক দেরি করে ফেল্লুম (নেপথ্যাভিমুখে দেখিয়া) এই যে পিতা আস্চেন; ভাল যাবার পূর্বে আবার একবার দেখা হল।

(সুধীরের প্রবেশ।)

সুধী। আরে আদিত্য তুমি এখনো দেরি কর্চো, তোমার লোকজন অপেক্ষা করে রয়েছে। দেখ এই কটি কথা বেস করে মনে রেখঃ—মনের ভাব কখন প্রকাশ কোরোনা; বিবেচনা না করে হঠাৎকোন কাজ কোরোনা; বন্ধু ছাড়া যার তার সঙ্গে আলাপ রেখনা; কলহ কোরোনা যদি করোত ভাল কোরেই কোরো; পোশাক দামি গোচের কোরো কিন্তু জাঁকজমুকে যেন না হয়, কেননা পোশাক দেখলেই লোক চেনা যায়। ধার দেয়াও মন্দ, নেয়াও মন্দ; কেননা ধার দিলে টাকাও যায় বন্ধুও যায়, আর ধার নিলে একটি পয়সাও বাঁচে না। আর দেখ বাপু সৎলোকের মতন চোলো কারুর সঙ্গে চাতুরি কোরোনা।

আদি । যে আছে আমি আমি ।

সুধী । হ্যাঁ এস, আর দেরি কোরোনা ।

আদি । (সরোজিনীর প্রতি) যা বলে গেলুম তা
মহন রেখ ।

সরো । তা আর বোলতে ?

(আদিত্যের প্রশ্নান ।)

সুধী । সরোজিনি ! আমি আসবার পূর্বে তোমাদের
কি কথা হচ্ছিল ?

সরো । (সলজ্জভাবে) আছে—যুবরাজ—(অর্দ্ধোক্তি)

সুধী । হ্যাঁ ভাল কথা মনে হোলো । আমি শুনলুম
তুমি নাকি যুবরাজের সঙ্গে নির্জনে কথাবাতা
কও ! ছিঃ আমার মেয়ে হয়ে তোমার এ রকম
করা ভাল নয় । এতে লোক তোমাকেও
দুষবে আমাকেও দুষবে । আসোল ব্যাপার
খানা কি ?

সরো । (সলজ্জভাবে) তিনি আমায় স্নেহ—(অর্দ্ধোক্তি)

সুধী । স্নেহ ? তুমি যে কোচি মেয়ের মতন কথা
কৈতে নাগলে । “তিনি আমায় স্নেহ করেন,
ভাল বাসেন” এসবকি কাজের কথা ? আচ্ছা
তাঁর কথায় তোমার বিশ্বাস হয় ?

সরো । তিনি আমার কাছে দিব্যি করেচেন যে তিনি
আমায় বিবাহ করবেন ।

সুধী । আ পাগলি ওত দিব্যানয়, তোমার মতন বোকা পাকি ধরবার ফাঁদ । রক্ত গরম হলে কি মুখে দিব্যি আট্‌কায় ? যাহোক তুমি ওসবে ভুলনা । যুবরাজের কি ? তিনি হলেন ব্যাটা-ছেলে, যা খুসি তাই কর্তে পারেন তা বলে তুমিত তাঁর মতন যা ইচ্ছা তাই কর্তে পারেনা ? এইবার অবধি সাঁবধান হও , তাঁর সঙ্গে কথা কৈওনা আর তাঁর স্মুকেও বেরিও না । এস এখন যাই ।

সরো । আচ্ছা চলুন ।

(সুধীর ও সরোজিনীর প্রস্থান ।)

প্রথম অঙ্ক ।

চতুর্থ গর্তাক ।

ছুর্গের সখন্সু বেদী ।

ভূগসিং, বিনয় ও অমরসিংহের প্রবেশ ।

অম । উঃ—ভারি শীত পড়েচে ।

বিন । আমার হাড়ে২ যেন ছুঁচ দিয়ে বিধঁ চে ।

অম । এখন রাত কত ?

বিন। বোধ হয় এখনো ছুপুর বাজেনি।

ভূপ। অজ্ঞে না।

বিন। বা হোক, সময় প্রায় হয়ে এল।

৩ - ৭০৮
Acc ১১২৩৩
২২/১০/২০০৬

(নেপথ্যে বাদ্য ও তোপধ্বনি)

এমন সময় যে বাজনা বাজে আর তোপ হচ্ছে ?

অম। রাজা মদের পিঁপে পার কছেন আর কি। এক২
বার মদ খাচ্ছেন আর অমনি বাজনা বাজে আর
তোপ হচ্ছে।

বিন। এই রকম প্রায়ই হয়ে থাকে বুঝি ?

অম। হ্যাঁ। আমি বলি ও খাওয়ার চেয়ে না খাওয়া
ভাল। উনি মদ খান বোলে আমাদেরও লোক
মাতাল বলে। হাজার কেন আমরা সংকল্প
করি না, ঐ বদনামে সব ঢেকে যায়। জানইত
ভাই, এক কলসি দুদে এক ফোঁটা বিষ পাকিয়ে
সব নষ্ট হয়ে যায়।

(ভূতের প্রবেশ ।)

বন। যুবরাজ ! ঐ দেখুন, আস্চে !

অম। (স্বগতঃ) পরমেশ্বর রক্ষাকর। ইনি ভূত
প্রেত যক্ষ রক্ষ যেই হোন আমি কথা কৈ।
(ভূতের প্রতি) পিতঃ ! বছদিন হোলো, আপনি
প্রাণত্যাগ করেছেন, তবে আবার এই ঘোর

রাত্রে সাজোয়া পরে কি প্রকারে এলেন ?
বলুন ? আমি কিছুই বুঝতে পারি না ।

(ভূতের হস্তদ্বারা অমরসিংহকে আহ্বান)

বিন । ঐ আপনাকে হাত দিয়ে ডাক্চে । বোধ হয়
ও আমাদের সাক্ষাতে কিছু বলবে না ।

ভূপ । কেমন হাত নেড়ে ডাক্চে দেখেছেন ? মশাই
বড় এগুবেনু না ।

বিন । গেলেই মারা পড়বেন ।

অম । (কিঞ্চিৎ অগ্রসর হইয়া) কৈ এখনও কিছু
বলেন না তবে আমি তাঁর সঙ্গে যাই । (যাইতে
উদ্যত)

বিন । (বাধা দিয়া) না, না আপনি করেন কি ?
ভূতকে কি বিশ্বাস আছে ; ও হয়ত আপনাকে
জলে নিয়ে ফেলবে না হয় পাহাড়ের উপর নিয়ে
গিয়ে এমনি ভয় দেখাবে যে আপনি অস্তান
হয়ে পড়বেন ।

অম । ঐ দেখ আবার আমাকে ডাক্চে । (ভূতের প্রতি)
আপনি চলুন আমি যাচ্ছি । (যাইতে উদ্যত)

ভূপ । (অমরের হস্ত ধরিয়া) আপনাকে আমরা কখন
নই যেতে দেব না ।

অম । (ক্রুদ্ধ হইয়া) এখনি হাত ছেড়ে দে ।

বিন । আপনি আমাদের কথা শুনুন, তা না হলে,
কখনই ছাড়বো না ।

অম । (সক্রোধে) আমার যা কপালে আছে তাই হবে,
এখনি আমার হাত ছেড়ে দে । (সজোরে হস্ত
ছাড়াইয়া) এবারে যে আমার ধরবে আমি
তাকে মেরে ফেলব ।

(ভূতের প্রস্থান ও অমরসিংহের তৎপশ্চাদ্ধাবন) ।

বিন । পিতার মূর্তি দেখে যুবরাজ মরিয়া হয়ে
গেচেন ।

ভূপ । ভুঁকে একলা যেতে দেওয়া ভাল হল না, চলুন
আমরাও যাই ।

বিন । আচ্ছা চল দেখা যাক কি হয় ?

(ভূপসিং ও বিনয়ের প্রস্থান ।)

(ভূত ও অমরসিংহের পুনঃ প্রবেশ ।)

অম । যা বলতে হয় এই খানেই বলুন ; আর আমি
যাব না ।

ভূত । শুন বাছা মন দিয়া আমার কাহিনী ।
এক দিন দিবান্তাগে, উদ্যান মাঝারে,
সুখের শয়নে আছি, রাজকার্য্য সাধি,
এ হেন সময়ে, প্রবেশিল তথা, মম
নরাধম ভ্রাতা, হস্তে তার বিষপাত্র,
হরিতে আমার প্রাণ, আর যোধপুরী ।

নিদ্রাবশে আছি আমি, দেখিয়া যাতুক,
 দিল ঢালি মম কর্ণে সেই বিষরস ;
 তখনি জমিল রক্ত : অম্ল-রস-যোগে "
 যথা জমে দুষ্ক, হায় ! মহাব্যাধি সম
 উদিল বর্জুল-চয় এ সুন্দর দেহে ;
 ডুবিল জীবন-ভরি অপঘাত-ঝড়ে ।
 সাধি কার্য্য ছুরাচার, কৃতঘ্ন, কামুক,
 লভিল রাজীর মন, ভুলিতে তাহারে ।
 তোর মাতা যত সতী প্রকাশিল কাজে,
 প্রণয়ের প্রতি শোধ দিল ভাল মোরে ।
 অপঘাত-মৃত্যু-বশে লভি ভূত-যোনি,
 ঘুরিয়া বেড়াই নিত্য ঘোর নিশা-কালে ,
 দিবা-ভাগে দহে অঙ্গ অগ্নি-কারাগারে,
 পিপাসা আসিয়া দেয় দ্বিগুণ যাতনা ।
 কত পাপ করিয়াছি জীবন-সময়ে,
 প্রায়শ্চিত্ত সে সবার হতেছে এখন,
 কত যে যাতনা সহি, বর্ণিতে নিষেধ,
 শুনিলে তিলেক তার, শোনিত শুকাবে ,
 তারা কারা তারা তোর পড়িবে খসিয়া ;
 দাঁড়াইবে কেশ তোর মস্তক উপরে,
 সজারু রাগিলে যথা উঠে তার কাটা,
 অথবা কদম্ব সম বরিষা-আগমে ।

তুমি আমার পরিত্যাগ করে চলে তবে আর
আমার জীবনে প্রয়োজন কি ?

অম। বিনয় ! ভাই দুঃখ করলে আর কি হবে। তুমি
প্রাণত্যাগ কোরো না। যুবরাজ মহাবলকে
আমি এই রাজ্য প্রদান করলুম। তিনি এলে
তুমি তাঁকে আমাদের দোষগুণ বোলে এই
অকাল মৃত্যুর সংবাদ দিও। হায় ! পৃথিবী
অন্ধকার হয়ে আসছে। আর আমি তোমার
চিরপরিচিত বদনমণ্ডল দেখতে পাচ্ছি না।
আমার শবীর কমন কর্চে। আমায় বিদায়—

(মৃত্যু)

বিন। (ক্রন্দন করিতে২) হা প্রিয়মিত্র ! তোমার শেষ
এই দশা হল। কোথায় আজ তুমি সিংহাসনে
বোসবে, না তুমি পাষাণদের কুচক্রে জীবন পরি
ত্যাগ করে, ধরাশায়ী হলে। তোমার মধুর
বাক্য আর আমার কর্ণকুহরে প্রবেশ করবে না।
হায় ! তোমার জীবন অন্ধ শেষ এইরূপে
পরিণত হল।

যবনিকা পতন।

সম্পূর্ণ।

—

